



Bosna i Hercegovina  
Federacija Bosne i Hercegovine  
Srednjobosanski kanton/Kanton Središnja Bosna  
Kantonalno tužilaštvo Srednjobosanskog kantona/Kantonalno  
tužiteljstvo Središnja Bosna  
Travnik

Broj: T06 0 KTPO 0033397 25 2

Datum, 15.06.2026. godine

OPĆINSKOM SUDU TRAVNIK  
-sudiji za prethodni postupak –  
TRAVNIK

Na osnovu člana 45. stav 1. i 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem

**Potvrđena dana 23.06.2026. godine**

OPTUŽNICU

Protiv:

1. J. B.

2. A. I.

Zbog postojanja osnovane sumnje da su

I

U vremenskom periodu, počevši od 30.06.2018. do 28.03.2019..godine, na području Viteza, kao odgovorno lice u pravnom licu L.K.W.-SERVIS doo Stara Bila-Vitez, u svojstvu direktora društva, koje svojstvo mu je pripalo na osnovu Rješenja Općinskog suda Travnik broj \*\*\*\* od 23.04.2010.godine, u namjeri da porezni obveznik L.K.W.-SERVIS doo Stara Bila Vitez djelimično izbjegne plaćanje poreza na dobit pravnih lica propisan članom 3. stav 1. Zakona o porezu na dobit F BiH, čiji iznos prelazi 50.000,00 KM, u godišnjoj poreznoj prijavi poreza na dobit – obrazac PP-801 od 28.03.2019.godine, dao lažne podatke o ukupnim rashodima pravnog lica pravnog lica L.K.W. SERVIS doo Stara Bila Vitez za 2018.godinu, tako što je kao rashod priznao troškove za koje nije imao vjerodostojnu knjigovodstvenu dokumentaciju, transakcije koje nisu obavljene u poslovne svrhe u cilju ostvarivanja dobiti, odnosno rashode koji se ne mogu povezati s ostvarivanjem dobiti ili se ne mogu povezati s načelom poslovanja pažnjom dobrog privrednika, postupivši suprotno odrebi člana 7.

Stav 5. i 9., člana 9. stav 1. Tačka i) Zakona o porezu na dobit F BiH, na način da je u knjigovodstvenu evidenciju u kontu rashodi iz ranijih godina evidentirao fakture izdavaoca GP ŽGP dd Sarajevo broj 00109 od 30.06.2018.godine, sa naznakom broja fiskalnog računa \*\*\* na ime održavanje asfaltiranog dvorišta za 2016.godinu, broj \*\*\* od 30.06.2018.godine sa naznakom broja fiskalnog računa \*\*\* na ime održavanja asfaltiranog dvorišta za 2017.godinu i broj \*\*\*\* od 31.07.2018.godine sa naznakom fiskalnog računa 3293 na ime održavanja asfaltiranog dvorišta za 2018.godinu, na pojedinačne iznose na ime usluge od po 280.800,00 KM bez PDV-a, odnosno ukupan iznos od 842.400,00 KM bez PDV-a, a koje fakture nisu izdate od strane GP ŽGP dd Sarajevo, naznačeni fiskalni računi nisu evidentirani u fiskalnom sistemu u pravnom licu ŽGP dd Sarajevo sa iznosima iz faktura, niti knjižene u poslovnim knjigama istog, bez da je uz fakture posjedovao i prateće originalne fiskalne račune, ugovor o pružanju usluga održavanja asfaltiranog dvorišta, radne naloge ili drugi dokument o izvršenoj usluzi, što je uticalo na utvrđivanje visine osnovice za obračun poreza na dobit pravnog lica, te podnio Poreznoj upravi FBiH lažne podatke o oporezivim prihodima pravnog lica L.K.W. SERVIS doo Stara Bila Vitez za 2018.godinu, iako je bio svjestan da se radi o fiktivnim zaduženjima i fakturama i da usluge navedene u fakturama nisu nikada pružene, te da na navedeni način fiktivno umanjuje prihod pravnog lica koji je od uticaja na utvrđenje osnovice za obračun poreza na dobit pravnog lica L.K.W. SERVIS doo Stara Bila Vitez za iznos od 842.400,00 KM za porezni period od 01.01.2018.-31.12.2018.godine, što je i htio, pa je primjenom stope oporezivanja od 10 % propisane članom 31. Zakona o porezu na dobit F BiH, na tako umanjenu poresku osnovicu manje prijavljen i obračunat porez na dobit u iznosu od 84.240,00 KM, u korist budžeta SBK, a koji iznos je pravno lice L.K.W. SERVIS doo Stara Bila Vitez uplatilo dana 20.04.2023.godine po Rješenju o dodatno utvrđenim obavezama Porezne uprave FBiH, KPU Novi Travnik broj \*\*\*\* od 05.04.2023.godine.

Dakle, za drugoga, pravno lice u kom je obnašao dužnost odgovornog lica-direktora, izbjegao plaćanje davanja propisanih poreznim zakonodavstvom u Federaciji, dajući netačne podatke o činjenicama koje su od uticaja na utvrđivanje iznosa takvih obaveza, a iznos obveze čije se plaćanje izbjegava prelazi 50.000,00 KM

I. A.

## II

U vremenskom periodu od 01.01.2020. do 14.02.2022.godine, na području općine Vitez, nemajući ovlaštenja za trgovinu, kontinuirano nabavljao robu u većoj količini i vrijednosti koja prelazi iznos od 10.000,00 KM u svrhu dalje prodaje, i neovlašćeno se bavio u većem obimu trgovinom sa ciljem postizanja imovinske koristi, iako je znao da nema izdato odobrenje nadležnog organa za bavljenje trgovinom, što je i htio, na način da je na njemu poznat način nabavljao a zatim prodavao radne mašine i vozila na osnovu ugovora o kupoprodaji pravnom licu L.K.W. SERVIS doo Stara Bila – Vitez, a kupoprodajnu cijenu naplaćivao putem blagajne i ličnih tekućih računa u bankama, pa je tako: po Ugovoru o kupoprodaji od dana 25.10.2019. godine prodao tmv marke Mercedes benz Actros, kiper, 1999.godina proizvodnje za cijenu od 7.000,00 KM, po Komisionom ugovoru broj \*\*\*\* od dana 17.01.2020.godine prodao tmv marke MAN, 2003.godine proizvodnje za cijenu od 30.000,00 KM, po Komisionom ugovoru broj \*\*\* od 30.01.2020.godine prodao pmv VW 3C Passat, karavan, 2011 godina proizvodnje za cijenu od 38.000,00 KM, po Ugovoru o prodaji radnje mašine od dana

16.07.2020.godine prodao tmv marke Mercedes benz 17.29. broj šasije \*\*\*\*\* za cijenu od 5.000,00 KM, po Ugovoru o komisionoj prodaji motornih vozila broj \*\*\*\* od 05.10.2020.godine prodao pmv marke VW 3C , 2014.godina proizvodnje, za cijenu od 18.500,00 KM, po Ugovoru o komisionoj prodaji motornih vozila broj \*\*\* od 08.10.2020.godine prodao pmv marke VW Tiguan, 2013.godina proizvodnje za cijeno od 35.000,00 KM, po Ugovoru o kupoprodaji od 27.11.2020.godine prodao radnu mašinu Caterpillar 329 – bager gusjeničar, 2012.godina proizvodnje za cijenu od 35.000,00 KM, po Ugovoru o kupoprodaji od 30.11.2020.godine prodao radnu mašinu Rotacioni mlin za cijenu od 30.000,00 KM, Po Ugovoru o prodaji radne mašine od 18.12.2020.godine prodao radnu mašinu Bager JCB JS za cijenu od 130.000,00 KM, , dana 24.12.2020.godine prodao pmv marke Dacia za cijenu od 20.000,00 KM iskazano u KUF broj 3290, dana 24.12.2020.godin eprodao pmv marke Opel za iznos od 23.000,00 KM iskazano u KUF broj \*\*\*, po Kupoprodajnom ugovoru broj \*\*\* od 03.09.2021. godine prodao kipu makre MAN sa KIP hidraulikom za cijenu od 20.000,00 KM, po Komisionom ugovoru broj \*\*\*\* od 01.02.2022. godine prodao pmv marke Chevrolet klac, 2014 godina proizvodnje za cijenu od 12.000,00 KM, odnosno za navedeni period kupcu prodao vozila i radne mašine u ukupnoj vrijednosti od 403.500,00 KM, pribavivši sebi imovinsku korist u neutvrđenom iznosu.

Dakle, nemajući ovlaštenja za trgovinu, kontinuirano nabavljao robu u većoj količini i vrijednosti koja prelazi iznos od 10.000,00 KM u cilju prodaje i neovlašćeno se bavio u većem obimu trgovinom

Čime da bi počinili :

J. B. pod tačkom I krivično djelo Porezna utaja iz člana 273 stav 2 u vezi sa stavom 1 KZ FBiH

A. I. pod tačkom II krivično djelo Nedoizvoljena trgovina iz člana 267. Stav 1 KZ FBiH

KANTONALNA TUŽITELJICA

**Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom**